

## Edizione diplomatica

	<p>B(ernat) Ventadorn</p> <p>Amors e queus es uigayre ]trobats ne[[1] Trobats ne plus folh que me Cuydats uos quyeu sia layre Que no trop en uos merce Quem comandatz afayre Faray ho que(ss)is coue Mays auos nostra ges be Quem fessatz a(ss)i mal trayre</p>
	<p>Yeu am la belha d(e) bon ayre Del mon may que nulha re EZ elha nom ame gayre E no say que sesdeue E quan plus men cuy strayre Yeu no pushc quemor mi te Trasit tuy p(er) bona fe Amors be ho pushc retrayre</p>
	<p>Ab amors mer acontendra Que no men puesch abstener Quen tal loch ma fayt entendre Don yeu nulh ioy non sper Astieg farietz apendre Car auch nach cor ni uoler Mas yeu no hay ges poder Quem puescha uas lieys deffendre</p>

[1] Cancellato dal copista.

Image not found

[https://letteraturaeuropea.let.uniroma1.it/?q=sites/default/files/styles/330\\_px/public/VeAg%20%288%29.jpg&itok=vcchZWU1](https://letteraturaeuropea.let.uniroma1.it/?q=sites/default/files/styles/330_px/public/VeAg%20%288%29.jpg&itok=vcchZWU1)

Pero amors sab descendre  
Lay on li uen aplaser  
E sab ben gasardon rendre  
Dels mals trayth e del doler  
Tant no pot mostrar ne uendre  
Que plus no puescha ualer  
Mays yeu no hay ges poder[2]  
Sol quelham degues ualer  
E mes peraulas entendre

Gran annuys es e gran nausa  
Tot ]d[[3] iorn de merce clamar  
Mays lamor quer en me clausa  
Noy pux cobrir ne celar  
Las mon cor nim dorm nem pausa  
Ne pot en un loch star  
Nez yeu no pusch pus durar  
Sil doler nom asuausa

Yeu say be rayso e causa  
Que pueys ami donchs mostrar  
Que nulhs home no pot ni ausa  
En uers amor contrestar  
Car amors uenc tota causa  
E forcam de liey amar  
Autre tal pot de lieu far  
En dona petita pausa

[2] Verso in più.

[3] Cancellato dal copista.




image not found  
[https://letteraturaeuropaea.let.uniroma1.it/?q=sites/default/files/styles/330\\_px/public/VeAg%20%289%29.jpg&itok=Y3oIMBBI](https://letteraturaeuropaea.let.uniroma1.it/?q=sites/default/files/styles/330_px/public/VeAg%20%289%29.jpg&itok=Y3oIMBBI)

Dompna de re no puesch dire  
lo bon cor nel fin talan  
Que(us) hay quant be mo cossire  
Car res may non ame tan]t[[4]  
Tost magran mort le suspire  
Dompna passat ha un an  
Si no fos us belh semblan]t[  
Per que doblen mey cossire

[4] Cancellato dal copista.

- letto 474 volte

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911  
CF 80209930587 PI 02133771002

---

**Source URL:** <https://letteraturaeuropaea.let.uniroma1.it/?q=laboratorio/edizione-diplomatica-2058>